

ಪೌಲನು ತಿಮೋತಿಯನಿಗೆ ಬರೆದ ಮೊದಲನೆಯ ಪತ್ರಿಕೆ ಪೌಲಾನಿ ತಿಮೋಥಿಲಾ ಲಿವ್‌ಲ್ಯಾಲ ದೊನ್ನ ಪತ್ರ ವಳಕ್

ದೊನ್ನ ತಿಮೋತ್ಯಾಚ ಪತ್ರ ಅಪೊಸ್ತಲ್ ಜಾಲ್ಯಾಲ್ಯಾ ಪೌಲಾನಿ ಆಪ್ಲಾ ಶಿಶಾ ಜಾಲ್ಯಾಲ್ಯಾ ತಿಮೋತ್ಯಾಲಾ ಲಿವ್‌ಲ್ಯಾಲ. ದೊನ್ನ ಪುಸ್ತಕ್ ಪೌಲಾಚಾ ಜಿವ್ವಾಚಾ ಸರ್ತ್ಯಾ ಯಳಾಲಾ ಲಿವ್‌ಲ್ಯಾಲ. ಪೌಲ್ ತವಾ ರೊಮಾಚಾ ತುರುಂಗಾತ್ ಹುತ್ತಾ 1:16 ಪೌಲಾಲಾ ತಿಮೋತ್ಯಾ ಸಂಗ ಚಾಂಗ್ಲಾ ಸಮಂದ್ ಹುತ್ತ. ಖುಬ್ ಖೆಪಾ ತಿಮೋತ್ಯಾಲಾ ಲೆಕಾ ಮನ್ವುನ್ ಹಾಕ್ತಿತಾ. ಪಿಲಿಪ್ಪಿ 2:22,1 ತಿಮೋಥಿ 1:2 ಪೌಲಾನಿ ಸಬೆಲಾ ಲಿವಾಚೆ ಆಂದಿ ಯಕಾ ಮಾನ್ಸಾಲಾ ಲಿವ್‌ಲ್ಯಾಲ ಚಾರ್ ಪತ್‌ರ್ತ್ಯಾಚಿ ಹ್ಯ ಪತ್ರ ಯಾಕ್ ಜಾಲ್ಯಾ ಆನಿ ತಿನ್ ಪತ್ರಿ 1 ತಿಮೋಥಿ ತೀಥ ಆನಿ ಪಿಲೊಮಿನಾಲಾ. 2 ತಿಮೋಥಿ ಪತ್ರ ಲಿವ್ವಾನಾ ರೊಮಾಪುರಾಚಾ ಸಾಮ್ರಾಜಾತ್ ರಾತ್ಯಾಲ್ಯಾ ಕ್ರಿಸ್ತಾವಾನಾ ಹಿಂಸೆದೆತ್ಯಾಲಾ ಟಾಯಿಮ್ ಜಾಲ್ತಾ. ಮನ್ವುನ್ ಹ್ಯಾಸ್ ಲಾಗುನ್ ಪೌಲ್ ತುರುಂಗಾತ್ ಹುತ್ತಾ ಆನಿ ತಿಮೋತ್ಯಾಲಾ ತರಾಸ್ ಸುಸುವುನ್ ಗಿಹ್ಯಾಲಾ ಥೀರ್ ದಿಲಾ. ಯಕ್‌ವ್ಯಾ ತಿಮೋತ್ಯಾಚಾ ಪತ್‌ರ್ತ್ಯಾತ್ ಆಸಲ್ಯಾಚೆಗತ್ ಪೌಲಾನಿ ತಿಮೋತ್ಯಾಲಾ ಲಬಾಡ್ ಸಿಕಿವನ್ಯಾರ್ತ್ಯಾಂಚೆ ಗುಸ್ತಿತ್ ಹುಶಾರ್ಕಿ ದಿಲೆ. 1 ತಿಮೋಥಿ 1:16-18 ಆನಿ ಮೊರ್ದು ಯತ್ಯಾಲ್ಯಾ ತರಾಸಾಂಚಾ ದಿಸಾಂಚ್ ಸಾಂಗಲ್ಯಾ 3:1

ಭಾಗ್

1. ಪೌಲ್ ತಿಮೋತ್ಯಾಲಾ ಕುಶಾಲ್ಪಾಚಿ ಇಚಾರಿತ್ ಹ್ಯ ಪತ್ರ ಸುರು ಕರ್ತೊ. 1:1-2 ತ್ಯಾ ನಂತರ್ ತ್ಯನಿ ಉಮೆದ್ಲಿಲೆ 1:3-18
2. ತ್ಯಾ ನಂತರ್ ಆಲ್ಯಾಲಾ ತರಾಸ್ ಸಮಾದಾನಾನಿ ಸುಸ್ಪುನ್ ಗಿಹ್ಯಾಲಾ ಸಾಂಗಲ್ಯಾ 2:1-13
3. ತ್ಯಾ ನಂತರ್ ಸಾದ್ಯಾ ಪಾರ್ಕಿ ದಿಲ್ಯಾತಾ 2:14-26

4. ಆನಿ ಮೊರ್ದಯತ್ಯಾಲ್ಯಾ ಖನ್ನತಿನಾ ಶಾರ್ಕ್ ಉತ್ತರ್ ದಿಯಾವ್ಲಯಿ ಮನ್ಹನ್ ಖಡ್ಯಾವಲ್ಯಾಲ್.3:1—4:8
5. ತಿಮೊತ್ಯಾಲಾ ಥೊಡ್ಯಾ ಆಪಲ್ಯಾ ಪಾರ್ವಿ ಸಾಂಗಿತ್ ಪೌಲಾನಿ ಪತ್ರ ಸಪಿವಲ್ಯಾ4:9-21

1 ಪೌಲಾಪ್ಪಿ ತ್ಯೊ ದೇವಾಚಾ ಮನಾನಿ ಯೇಸು ಕ್ರಿಸ್ತಾಚಾ ಅಪೊಸ್ತಲ್ ಜಾಲ್ಯಾ ಆನಿ ತ್ಯಲಾ ಕ್ರಿಸ್ತ್ ಯೇಸುಪ್ಪಿ ಜೀವ್ನ್ ಗಿಹ್ಯಾ ವಾಗ್ದಾನ್ ಸಾಂಗಾಯಾ ಸಿಕಿವಲ್ಯಾ

2 ಮಾಜಾ ಮಾಯೆಚಾ ಲೇಕಾ ತಿಮೊಥ್ಯಾ

ಬಾ ದೇವಾಪ್ಪಿ ಆನಿ ಆಮ್‌ಚಾ ಪ್ರಭು ಜಾಲ್ಯಾಲ್ಯಾ ಕ್ರಿಸ್ತ ಯೇಸುಚಿ ಕ್ರಪೆಬಿ ಕರ್ನಾಬಿ ಸಮಾದಾನ್ ಗಾಹುನಿ.

ಉಪ್ಕಾರಾಚ್ ಗೀತ್ ಆನಿ ಉಮೇದ್ ದಿಯಾಚಿ

3 ಮೀ ಕವಾಬಿ ರ್ಯಾತ್ ದೀಸ್ ಮಾಜಾ ಮಾಗ್‌ನ್ಯಾತ್ ಯಾದ್ ಕರೀತ್ ದೇವಾಲಾ ದನ್ಯಾವಾದ್ ದೆತೊ. ಆನಿ ತ್ಯಚಿ ಸೆವಾ ಆಮ್ಚಾ ವಡ್ಲಾಂಚಿ ಸೆವಾ ಪುರ್ಯಾ ಮನಾನಿ ಕರ್ತೊ.

4 ತು ಮಾಜಿ ಸಾಟಿ ರಡ್‌ಲ್ಯಾಲಾ ಮಾಜೆ ಯದತ್ ಹಾ. ತುಲಾ ಬಗಾಯಾ ವ್ಹಯಿ ಮನ್ಹನ್ ಮನಾ ಖುಬ್ ಮನ್ ಜಾಲ್ಯಾ ತುಲಾ ಬಗ್ಲಾಕಿಸ್ ಮನಾ ಆನಂದ್ ವ್ಹನಾರ್.

5 ತುಜಾ ಖರಾ ಇಸ್ವಾಸ್ ಮಾಜೆ ಯದತ್ ಹಾ. ತೇ ತರಚಾ ಇಸ್ವಾಸ್ ತುಜಿ ಮಾತ್ರಾಯಿ ಲೊವಿಪ ಆಯಿ ಯುನಿಕೆಯಪಬೀ ಹುತ್ಯಾ. ಆತಾ ತ್ಯೊಸ್ ಇಸ್ವಾಸ್ ತುಜಿಪಬೀ ಹಾ ಮನ್ಹನ್ ಮನಾ ಸಮಾಜಲ್ಯಾ.

6 ಹ್ಯಚಿಸಾಟಿ ಮಿ ತುಲಾ ಯಾದ್ ಕರ್ತೊ ದೇವಾನಿ ತುಲಾ ದಿಲ್ಯಾಲ ಕ್ರುಪೆಚೆ ವರ್ದಾನ್ ಪೆಟಿತುಸ್ ರಾಹುನಿ ಮಿ ತುಜಿವ ಮಾಜಾ ಹಾತ್ ಥೆವ್ಣಾ ತವಾ ತ್ಯ ತುಲಾ ಗಾವ್ಲ.

7 ದೇವಾನಿ ಆಮಾನಾ ದಿಲ್ಯಾಲ ಆತ್ಮಬಿಧ್ವನವ್ವದಿರ್ಟ್ಲಾಚ್. ಆಮಾನಾ ಬಳಾನಿ ಮಾಯೆನಿ ಆನಿ ಆಪಲ್ಯಾ ತಾಬ್ಯಾತ್ ಥೆವ್‌ತ್ಯಾಲ ಆತ್ಮತ್ಯನಿ ದಿಲ.

8 ಮನ್ವುನ್ ತು ಆಮ್ಚಾ ಪ್ರಭು ಆನಿ ತ್ಯಚಿಸಾಟಿ ಕೊಂಡ್‌ಲ್ಯಾಲಾ ಮಾಜಿಸಾಟಿ ವಳಕ್ ದಿಯಾ ಲಾಭುನಕೊಸ್ ದೇವಾನಿ ತುಲಾ ದಿಲ್ಯಾಲೆ ಬರೆ ಖಬರಿಸಾಟಿ ತರಾಸ್ ಕಾಡಾಯಾ ಮಾಜಿ ಸಂಗ ರ್ಲ್ಯಾ.

9 ದೇವಾನಿ ಆಮಾನ ರಾಮುನ್, ಆಪ್ಲಿ ಸ್ವತಾಚಿ ಲೊಕ ವ್ಹಯಾ ಸಾಟಿ ಹಾಕಟ್‌ಲ್ಯಾ ಆಮಿ ಕೇಲ್ಯಾಲ್ಯಾ ಭಾಂಗಲ್ಯಾ ಕಾಮಾಸ್ ಲಾಗುನ್ ಆಸ ಜಾಲ್ಲ್ಯಾ ಮನ್ವುನ್ ನವ್ವ್ ತ್ಯೊ ಆಪ್ಲೆ ಪಾರ್ಕಿ ಶಾರ್ಕ್ ಆನಿ ಕ್ರಪೆ ಶಾರ್ಕ್ ಆಮಾನಾ ರಾಮುನ್ ಆಪ್ಲಿ ಕಿಲಿತ. ಪೈಲ್ಯಾ ಕಾಲಾತುಸ್ ಹಿ ಕ್ರಪಾ ಕ್ರಿಸ್ತ್ ಯೇಸುಪ್ಪಿಸ್ ಆಮಾನಾ ಮಿಳಾಲೆ.

10 ಫನ್ ಆತಾ ಆಮಚಾ ರಾಖನ್ದಾರ್ ಭಾಲ್ಯಾಲಾ ಕ್ರಿಸ್ತ್ ಯೇಸು ದಿಸತ್ಯಾಲ್ಯಾಸ್ ಲಾಗುನ್ ತ್ಯನಿ ಮರಾನ್ ನಾಸ್ಕೇಲಾ ಆನಿ ಜೀವ್ ಆನಿ ಮರ್ನಾತ್ಲಿ ಜಿತ್‌ಲ್ಯಾಲಾ ಬರೆ ಖಬರಿಸ್ಲಿ ಮನ್ವುನ್ ದ್ಯಾವ್‌ಲ್ಯಾ.

11 ತೇ ಬರೆ ಖಬ್ರಿ ಸಾಟಿ ಅಪೊಸ್ತಲ್ ಕರುನ್ ಮಾಸ್ಕರ್ ಮನ್ವುನ್ ನಿವಡ್ಲಾ.

12 ಬರಿ ಖಬರ್ ಸಾಂಗ್ಲಿ ಮನ್ವುನುಸ್ ಮೀ ಆತಾ ತರಾಸ್ ಖಾಯಾಲಾಗಲ್ಯೊ ಕಾ ಮಂಜೆ ಮೀ ಇಸ್ವಾಸ್ ಥೆವ್‌ಲ್ಯಾಲಾ ಮನಾ ತಾವಾ ಹಾ. ತ್ಯನಿ ಮಾಜಾ ತಾಬ್ಯಾತ್ ದಿಲ್ಯಾಲಾ ತ್ಯೊ ದಿಸ್ ಯಯಿ ಪರ್ಯಾತ್ ರಾಖಾಯಾ ತ್ಯೊಸ್ ಆಮಾನಾ ರ್ಯಾಕ್‌ತ್ಯಾಲಾ ಮನ್ವುನ್ ಖರ್ಯಾನಿ ಮನಾ ತಾವ ಹಾ.

13 ಕಸ್‌ಲ್ಯಾ ಗುಶ್ಟಿ ಮಾಜಿಪ್ಪಿ ತು ಸಿಕ್‌ಲ್ಯಾಸ್ ತ್ಯ ಇಸ್ವಾಸಾನಿ ಆನಿ ಕ್ರಿಸ್ತ್ ಯೇಸುಚೆ ಮಾಯೆನಿ ತ್ಯ ಭಾಂಗಲ್ಯಾ ಸಿಕ್ಲೆನಾಸಾಟಿ ಉದಾರನ್ ಥೆವ್.

14 ತುಜಾ ತಾಬ್ಯಾತ್ ದಿಲ್ಯಾಲ್ಯಾ ಭಾಂಗಲ್ಯಾ ಗುಶ್ಟಿ ಪವಿತ್ರಾತ್ಮಾಚಾ ಬಳಾನಿ ಸಂಬಾಳಾ. ತ್ಯೊ ಆತ್ಮ ಆಪ್ಲಿ ಸಂಗ ರಾಥೊ.

15 ಆಶಾ ಸಿಮಚಾ ಸಗ್‌ಳ್ಯಾಂಚಾನಿ ಮನಾ ಶೊಡ್‌ಲ್ಯಾ ಮನ್ವುನ್ ತುಲಾ ತಾವ ಹಾ. ಪುಗೇಲಾನಿ, ಹೆರ್ಮೋಗೇನಾನಿ ಮನಾ ಶೊಡ್‌ಲ್ಯಾ.

16 ಪ್ರಭು ಒನೇಸಿಪೊರಾಚಾ ಕುಟ್ಮಾವ ದಯಾ ದಾವುನಿ. ಕಾ ಮಂಜೆ ತ್ಯನಿ ಮನಾ ಖುಬ್ ಖೆಪಾ ಮಜ್ಜತ್ ಕಿಲಿ ಮೀ ತುರುಂಗಾತ್ ಆಸ್ಲಾನಾ ತ್ಯೊ ಲಾಜ್ಲಾ ನಾಹಿ.

17 ತ್ಯೊ ರೊಮಾತ್ ಆಲಾ ತವಾ ಮೀ ತ್ಯಲಾ ಗಾವ್ವಸ್ ಪರತ್ ಮನಾ ಸುದಿತ್ ರಾಯ್ಲಾ.

18 ಪ್ರಭು ತ್ಯಲಾ ತ್ಯಾ ದಿಸಾತ್ ಪ್ರಭುಷ್ಟಿ ತ್ಯಲಾ ದಯಾ ಗಾಹುನಿ. ಎಫೆಸಾತ್ ತ್ಯನಿ ಮನಾ ಕಿತಿತರನಿ ಮಜ್ಜತ್ ಕೆಲೆ ಮನ್ವುನ್ ತುಲಾ ಚಾಂಗ್ಲ ರಾವ ಹಾ.

2

ಕ್ರಿಸ್ತ ಯೇಸುಚಾ ಇಮಾಂದಾರ್ ಸೈನಿಕ್

1 ತುಜೆ ಗುಶ್ಟಿತ್ ಸಾಂಗಾಚ್ ಭಾಲ್ಯಾವ ಮಾಜಾ ಲೇಕಾ ಕ್ರಿಸ್ತ ಯೇಸುಪ ಆಮ್ಚೆ ಯಕಿನಿ ಗಾವಧ್ಯಾಲೆ ಕ್ರಪೆನಿ ಘಟ್ ರ್ಲ್ಹಾ.

2 ತ್ಯನಿಕ್ಷನ್ ತು ಘೆ ತ್ಯತು ಖುಬ್ ಲೊಕಾಂಚೆ ಮೊರ್ಲ್ಗಿತಲ್ಯಾಸ್ ಆನಿ ತ್ಯತ್ಯಾ ಲೊಕಾನಾ ದೇ ಕೊನ್ ಇಸ್ವಾಸಾತ್ ಲಾಯಕ್ ಹಾ ತ್ಯಸ್ ಇಸ್ವಾಸಿಚೆ ಲಾಯಕ್ ಆಸ್‌ಲ್ಯಾಲ್ಯಾ ಲೊಕಾಂಚಿಪ ದೇ. ತೀ ರಾಯ್‌ಲ್ಯಾಲ್ಯಾ ಲೊಕಾನಾ ಸಿಕ್ವಾಯಾ ಲಾಯಕ್ ಹಾತ್ತ.

3 ತರಾಸ್ ಸುಸ್ವುನ್ ಗಿಹ್ಯಾ ಕ್ರಿಸ್ತ ಯೇಸುಚಾ ಯಕಾ ಚಾಂಗಲ್ಯಾ ಸೈನಿಕಾಚೆಗತ್ ಮಾಜಿ ಸಂಗ ಯೆಕ್ ವ್ಹವುನ್ ರ್ಲ್ಹಾ.

4 ಸೈನಿಕ್ ಆಪಲ್ಯಾ ಸೈನ್ಯಾಚಾ ಅದಿಕಾರ್‌ಚ್ಯಾಪ್ಪಿ ನಾವ್ ಗಿಹ್ಯಾ ಮನ್ ಕರ್ತೊ. ಮನ್ವುನ್ ತ್ಯೊ ಸೈನಿಕ್ ಪ್ರಪಂಚಾಚಾ ಇಚಾರಾತ್ ಗಾಹುನಾಹಿ ಆಸಾ ಹುಶಾರ್ ರಾಥೊ.

5 ಪಳಾಚಾ ಖೆಳಾತ್ ಜಿತ್ತಾಯಾ ವ್ಹಯಿತ, ಪಳಾತ್ಯಾಲ್ಯಾನಿ ಸಗ್ಳು ನೇಮ್ ಪಾಳಾಯಾ ಪಾಯ್ಜೆ. ತ್ಯಚೆ ಸಿವಾರ್ ತ್ಯಲಾ ಭಕ್ಷಿಸ್ ಗಾವತ್ಪಾಹಿ.

6 ತರಾಸ್ ಗಿಹುನ್ ಕಾಮ್ ಕರ್ತ್ಯಾಲ್ಯಾ ಶಾತ್ಕರ್‌ಯಾಲಾ ಪಿಕಾಚಾ ಪೈಲಾ ವಾಟಾ ಗಾವ್ವಾಯಾಸ್ ವ್ಹಯಿ.

7 ಮೀ ಸಾಂಗ್‌ತ್ಯಾಲ್ಯಾ ಹ್ಯಾ ಗುಶ್ಟಿ ಯವಜ್ ಹ್ಯಾ ಗುಶ್ಟಿ ಸಗ್ಳಾ ಸಮಜಾಯಾ ಗಿನ್ಯಾನ್ ಪ್ರಭು ತುಲಾ ದಿಯಿಲ್.

8 ಕ್ರಿಸ್ತ ಯೇಸುಚಿ ಯಾದ್ ಕರ್ ತ್ಯೊ ದಾವಿದಾಚಾ ವಂವ್ಯಾತ್ಲಾ ತ್ಯೊ ಮೇಲ್ಯಾ ನಂತರ್ ಜಿತ್ತಾ ವ್ಹವುನ್ ವರ್ ಉರುನ್ ಆಲಾ ತೀ ಬರಿ ಖಬರ್ ಮೀ ಲೊಕಾನಾ ಸಾಂಗ್ತೊ.

9 ಹೈಚಿಸ್ ಲಾಗುನುಸ್ ಮಿ ತರಾಸ್ ಗಿಹ್ಯಾ ಲಾಗ್‌ಲೊ ಅಪರಾದಿಲಾ ಬ್ಯಾಂತ್ಯಾಚೆಗತ್ ಸರ್ಪೊಳಿನ್ ಮನಾ ಬ್ಯಾಂದ್‌ಲ್ಯಾ ಫನ್ ದೇವಾಚಾ ವಾಕ್ಯಾನಾ ಬಾಂದಾನ್ ನಾಹಿ.

10 ಮನ್ವುನ್ ದೇವಾನಿ ನಿವಡ್‌ಳ್ಯಾಲ್ಯಾ ಲೊಕಾಂಚೆಸಾಟಿ ಮಿ ತರಾಸ್ ಖಾತ್ಯೊ ಕಾ ಮಂಜೆ ತೀ ಸಾಹಿತ್ ಕ್ರಿಸ್ತ ಯೇಸುಪ ಗಾವ್ವಾರ ರಕ್ಷನ್ ಶಾಸ್ವತ್ ಮೈಮೆ ಸಂಗ ಗಾವ್ವಾರ್.

11 ಹೈಸಾಂಗ್ನು ಖರ.

ಆಮಿ ತ್ಯಚೆ ಸಂಗ ಮೇಲಾ ಆಸ್ಲಾವ್, ತ್ಯಚಿ ಸಂಗಸ್ ಜಗ್ವಾರ್.

12 ಆಮಿ ಖಾಯಿಮ್ ತರಾಸ್ ಗೆತ್ಲಾತ್ ತ್ಯಚಿ ಸಂಗ ರಾಜ್ಕಾರ್ ಕರ್ನಾರ್.

ಆಮಿ ತ್ಯಲಾ ಶೊಡ್‌ಲ್ಯಾವ, ತ್ಯೊ ಆಮಾನಾ ಶೊಡ್ವಾರ್.

13 ಆಮಿ ಇಸ್ವಾಸ್ ನಸ್‌ಲ್ಯಾಲ ವ್ಹಪುನ್ ರಾಯ್ಲಾವರಿ, ತ್ಯೊ ಖಾಯಿಮ್ ಇಸ್ವಾಸಾನಿ ರಾನ್ವಾರ್;
ತ್ಯೊ ಆಪ್‌ಲ್ಯಾಲಾ ಆಪ್ನುಸ್ ಖೊಟ ಬೊಲ್ವಾರ್ ನಾಹಿ.

ಚಾಂಗ್ಲಾ ಕಾಮ್ಗಾರಿ

14 ಲೊಕಾನಾ ಹ್ಯಾ ಗುಶ್ಟಿ ಸಾಂಗಿತುಸ್ ರ್‌ಹಾ. ಸಬ್ದಾಂಚಾ ವಾದ್ ಗಾಲ್ವುನಾಹಿ ಮನ್ವುನ್ ತ್ಯನಾ ದೇವಾಚೆ ಸಾಕ್ಷಿನ್ ಭಾಗ್ತುತ್ ಕರ್. ವಾದಾನಿ ಕುನಾಲಾ ಫ್ಯಾಯ್ದಾ ನಾಹಿ. ವಾದ್ ಐಕ್‌ತ್ಯಾಲಿ ಲೊಕ ತ್ಯನಿಸ್ ಹಾಳ್ ವ್ಹತ್ಯಾತ್.

15 ತುಲಾಸ್ ತು ದೇವಾಸ್ ಲಾಗುನ್ ಯೊಗ್ಯ್ ಜಾಲ್ಯಾ ಚಾಂಗಲ್ಯಾ ಸೆವಕಾಚೆಗತ್ ದಾವುನ್ ದಿಯಾ ಸಾಟಿ ತು ಪುರೆ ತರನಿ ಯತ್ನ ಕರ್ ಹೈಚಿಸ್ ಲಾಗುನ್ ಆಪ್‌ಲ್ಯಾ ಕಾಮಾಸಾಟಿ ಲಾಜ್ ವಾಟುನಾಹಿ ಆನಿ ದೇವಾಚ್ ವಚನ್ ಶಾರ್ಕೆ ತರನಿ ಸಿಕ್‌ವ್.

16 ಮುರ್ಖಫನಾಚೆ ಚರ್ಚಾನ್ ಭಕ್ತಿ ನಸ್‌ಲ್ಯಾಲಿ ಗುಶ್ಟಿತ್ ದುರ್ ರ್‌ಹಾ ಕಾಮಂಜೆ ಹ್ಯಾ ಗುಶ್ಟಿ ಲೊಕಾನಾ ದೇವಾಚ್ಚಿ ದುರ್ ನೆಥ್ಯಾತಾ

17 ತ್ಯಂಚ್ ಬುರ್ಸ ಸಾಂಗ್ನು ಆಂಗಾತ್ ಪಗಾಳ್ಕಾಲ್ಯಾ ರೊಗಾಚೆಗತ್ ಪಗಾಳ್ತೊ ಹುಮೆನಾಯಕ್ ಆನಿ ಪಿಲೆತನಾನಿ ಆಸಸ್ ಸಿಕ್‌ವ್‌ಲ್ಯಾ

18 ತ್ಯಂಚಾನಿ ಖರ್ರಾಚಾ ಮಾರ್ಗ ಶೊಡ್ಲಾ. ಸಗ್ಳ್ಯಾ ಲೊಕಾನಾ ಹ್ವತ್ಯಾಲ ಪುನರುತ್ಥಾನ್ ಆತಾಸ್ ವ್ಹವುನ್ ಗೆಲ್ಯಾ ಮನ್ವುನ್ ತೇ ಸಾಂಗ್‌ತ್ಯಾತ. ಆಸ ಬುಲುನ್ ಥೊಡ್ಯಾ ಲೊಕಾಂಚಾ ಇಸ್ವಾಸ್ ಹಾಳ್ ಕರ್ತ್ಯಾತ

19 ಕ್ಯಾಬಿ ವ್ಹವುನಿ ದೇವಾನಿ ಗ್ಯಾತ್‌ಲ್ಯಾಲಾ ಘಟ್ ಜಾಲ್ಯಾಲಾ ಪಾಯಾ ತ್ಯೊ ಘಟ್ ಹಾ ತ್ಯಚಿವ ಲಿವ್‌ಲ್ಯಾ. “ಪ್ರಭುಲಾ ಕೊನ್ ಮನ್ವುನ್ ರಾವಿ ಹಾತ್ತ್” ಆನಿ ಕೊನ್ ಪ್ರಭುಚಾ ಮನ್ವುನ್ ಸಾಂಗ್‌ತೊ ತ್ಯೊ ಬುರ್ಖಾತ್ಲಿ ಆಪ್‌ಲ್ಯಾಲಾ ಆಪ್ಲುನ್ ರ್ಯಾಕ್ಲೆ.

20 ಮೊಟ್ಯಾಗರ್‌ಹಾತ್ ಸೊನ್ಯಾಚಿ ಚಾಂದಿಚಿ ಐದಾನ ಹಾತ್ತ್. ತ್ಯವ್ಡಸ್ ನವ್ವ ಜಾಥಾನಿ, ಮಾತಿನಿ ಕೆಲ್ಯಾಲಿ ಐದಾನ ಆಸ್‌ಥ್ಯಾತ. ಥುಡಿ ಚಾಂಗಲ್ಯಾ ಕಾಮಾಲಾ ವಾಫರ್ತ್ಯಾತ. ಆನಿ ಥುಡಿ ಕಸ್‌ಲ್ಯಾಬಿ ಕಾಮಾಲಾ ವಾಫರ್ತ್ಯಾತ.

21 ಆಸ ಆಸ್ಥಾನಾ ಯಕ್ಲಾ ಆಪ್ಲಿ ಬುರ್ಸಿಫನ ಸುಡುನ್ ಆಪ್‌ಲ್ಯಾಲಾ ಯಕಾ ವಿಶೇಶ್ ಕಾಮಾಲಾ ಉಪೇಗ್ ಕರ್ನಾರ್. ಕಾ ಮಂಜೆ ತ್ಯೊ ಆಪ್‌ಲ್ಯಾ ದನ್ಯಾಸಾಟಿ ದಿಲ್ಯಾಲ ಆನಿ ಸಗ್ಳಿ ಕಾಮ ಕರಾಯಾ ತಯಾರ್ ವ್ಹತ್ಲೊ.

22 ತರ್ನ ಪ್ಯೊರ್ಗ ಮನ್ ಕರ್‌ತ್ಯಾಲ್ಯಾ ಬುರ್ಸಿ ಆಶೆತ್ಲಿ ತು ದುರ್ ರ್ಲ್ಹಾ ನಿಯತಿನಿ, ಮಾಯಾ, ಇಸ್ವಾಸ್, ನೀಯತ್ ಆನಿ ಥಂಡ್ವನಾಸಾಟಿ ತ್ಯಂಚಿಸಂಗ ಕೊನ್ ಪರಿಶುದ್ಧ ಮನಾನಿ ಪ್ರಭುಲಾ ಹಾಕಟ್ಕಾತ ತ್ಯಂಚಿ ಸಂಗ ಗಿಹ್ಯಾಯತ್ತ್ ಕರ್

23 ಫನ್ ಮುರ್ಖಫನಾತ್ಲಿ ಉಪೇಗ್ ನಸ್‌ಲ್ಯಾಲ್ಯಾ ವಾದಾನಿ ತುಲಾ ರ್ಲ್ಹಾಕ್ ಕಾ ಮಂಜೆ ಹ್ಯಚಿಸ್ ಲಾಗುನ್ ಕಳಿ ವ್ಹತ್ಯಾತಾ.

24 ಕಾ ಮಂಜೆ ಪ್ರಭುಚಾ ಸೇವಕ್ ವ್ಹವುನ್ ತು ಕಳ್ ಕರು ನಾಹಿ. ತು ಸರ್ವ್ಯಾಂಚಿವ ದಯಾ ದಾವಾಲಾ ವ್ಹಯಿ; ಚಾಂಗ್ಲಾ ಥಂಡ್ವನಾಚಾ ಮಾಸ್ಥರ್ ವ್ಹವುನ್ ರಾಹ್ಯಾ ವ್ಹಯಿ.

25 ಇರೊದ್ ಕರತ್ಯಾಲ್ಯಾನಾ ಥಂಡ್ವನಾನಿ ಶಿಕಿವತ್ಯಾಲಾ ವ್ಹಯಾವ್ಹಯಿ. ದೇವ್ ತ್ಯಂಚ್ ಮನ್ ಆಪಲಿಕ್ ಪರ್ತುನ್ ತ್ಯನಾಬಿ ಖರ್ರಾಚ್ ಗಿನ್ಯಾನ್

ದೇನಾರ್.

²⁶ ಆನಿ ಹ್ಯಚಿಸ್ ಲಾಗುನ್ ತೀ ಜಾಗ್ರತಿನಿ ಸೈತಾನಾಚಾ ಜಾಲ್ಯಾತ್ ಗಾವಲ್ಯಾಲಿ ಹಿ ಆಕಾಸ್ಮಾತ್ ಘುಕುವುನ್ ಗಿಹುನ್ ದೇವಾಚೆ ಇಚ್ಛೆಚೆಗತ್ ಘಾಲತ್ಯಾಲಿ ವ್ಹತಿಲ.

3

ಸರ್ತ ದೀಸ್

¹ ತುಮಾನಾ ಯಾದ್ ರಾಹುನಿ! ಸರ್ತ್ಯಾ ದೀಸಾತ್ ಬುರ್ಸಾ ಯೋಳ್ ಯನಾರ್.

² ತ್ಯಾ ಕಾಲಾತ್ ಲೊಕ ಸ್ವಾರ್ಥಿ ವ್ಹವುನ್ ರಾಧ್ಯಾತ, ಪೈಶಾಂಚಿ ಆಶಾ ಕರ್ತ್ಯಾಲಾ; ಬಡಾಯಿ ಕರ್ತ್ಯಾಲಿ ರಾಧ್ಯಾತ; ಗಮೇಂಡಿ ಕರ್ತ್ಯಾಲಾ; ಬಡಾಯಿ ಕರ್ತ್ಯಾಲಾ; ಆಯಿ ಬಾಚಿ ನಿಂದಾ ಆನಿ ಸಬ್ದ ಐಕತ್ ನಸ್ಸಾರಾ; ಕ್ರತಜ್ಞತಾ ನಸ್ಲ್ಯಾಲಾ; ಪವಿತ್ರ ನಸ್ಲ್ಯಾಲ;

³ ದುಸ್ಮರ್ಮಾನಾ ಮಾಯಾ ಕರಿ ನಸ್ಸಾರಿ ರಾಧ್ಯಾತ; ಮಾಪ್ ಕರಿ ನಸ್ಸಾರಿ ರಾಧ್ಯಾತ; ನಿಂದಾ ಕರ್ತ್ಯಾಲಿ ರಾಧ್ಯಾತ; ಆಪಲ್ಯಾ ತಾಬ್ಯಾತ್ ಆಪ್ಲುಸ್ ನಸ್ಲ್ಯಾಚೆಗತ್ ರಾಧ್ಯಾತ; ಕ್ರುರಿ, ಚಾಂಗ್ ಆಸ್ಲ್ಯಾಲ್ಯಾಲಾ ವಾದಿ ರಾಧ್ಯಾತ; ರಾಗಾನಿ ರಾಧ್ಯಾತ;

⁴ ಇಸ್ವಾಸ್ ಘಾತ್ಕಿ ಬುದ್ಧಿ ನಸ್ಲ್ಯಾಲಿ ತೇ ದೇವಾಚೆ ಮಾಯೆವ್ಚಿ ಸುಖಾಚಿ ಮಾಯಾ ಕರ್ತ್ಯಾಲ.

⁵ ತೀ ಲೊಕ ಬಾಹಿಲ್ಯಾ ಧರ್ಮಾಚಿ ಕಾಮ ದರ್ಮ್ನ್ ರಾಧ್ಯಾತ ಫನ್ ಆತ್ಮ ಖರೈಚ್ಚ ಬಳ್ ಸುಡುನ್ ದೇತ್ಯಾತ. ತಸ್ಲ್ಯಾ ಲೊಕಾಂಚಿಪ್ಪಿ ದುರ್ ರ್ವ್

⁶ ತ್ಯಂಚಾತ್ಲಿ ಥುಡಿ ಗರ್ಮ್ಚಿ ಜಾವುನ್, ಪಾಪಾಚಿ ಚುಕ್ ಕೇಲ್ಯಾಲ್ಯಾ ಬ್ಯಾಯ್ಕಾಮಾನ್ಸನಾ ಆಪಲ್ಯಾ ತಾಬ್ಯಾತ್ ಗೇತ್ಯಾತ. ತೀ ಬ್ಯಾಯ್ಕಾಮಾನ್ಸ ಸಗ್ಳೆ ತರಚೆ ಆಸೆನಿ ಬಲ್ಯಾಲಿ ರಾಧ್ಯಾತ.

⁷ ತೀ ಬ್ಯಾಯ್ಕಾಮಾನ್ಸ ಕವಾಬಿ ನವಿ ಬುದ್ಧಿ ಸಿಕಾಯಾ ಯತ್ನ ಕರ್ತ್ಯಾತ ಫನ್ ಖರ ಸಗ್ಳೆ ಸಮಜುನ್ ಗಿಹ್ಯಾತ್ಯನಾ ವ್ಹಯಿತ್ನಾಹಿ.

8 ಯನ್ನಾ ಆನಿ ಯಂಬ್ರ, ಮೊಶೆಲಾ ವಿರೊದ್ ಕೇಲ್ಯಾಲ. ಹೀ ಮಾನ್ಸ ತ್ಯಂಚಿಗತುಸ್. ತೇ ಖರಲ್ಯಾಲಾ ಇರೊದ್ ಕರ್ತ್ಯಾತ್. ತ್ಯಾ ಮಾನ್ಸಾಂಚಿ ಯವಜ್ಞಾ ಸಗ್ಳಿ ಗಡ್‌ಬಡ್ ಭಾಲೆ. ತೀ ಇಸ್ವಾಸಾತ್ ಫಾಲಾಯಾ ಆಪ್‌ಲ್ಯಾ ಯತ್ನಾತ್ ಪಡುನ್ ಗಿಲಿತ.

9 ಫನ್ ಹ್ಯನಾ ಆನಿಕ್ ಮೊರ್ದುಜಾಯಾ ವ್ಹಯಿತ್ ನಾಹಿ. ಕಾ ಮಂಜೆ ಯನ್ನ ಆನಿ ಯಂಬ್ರಾಚ್ ಮುರ್ಖಫನ್ ಸಗಲ್ಯಾ ದಿಸುನ್ ಆಲ ತಸಸ್ ತ್ಯಂಚ್ ಮುರ್ಕ್ಪನ್ ದಿಸನಾರ್.

ಸರ್ತಿ ಪಾರಕ್

10 ಫನ್ ತು ಮಾಜಿಗತ್ ಚಾಲುನ್, ಮಾಜ್ ಸಿಕ್ಷೆನ್, ಚಾಲ್, ಉದ್ದೆಶ್, ಇಸ್ವಾಸ್, ಥಂಡ್ಪನ್, ಮಾಯಾ, ಮಾಜಾ ಧೀರ್

11 ಅಂತಿಯೊಕ್ಲ್ಯಾ ಇಕೊನ್ಯ, ಲುಸತ್ರಾತ್ ಮನಾ ತರಾಸ್ ಆನಿ ಕಸ್ವ ಆಲ್ತಾ ತ್ಯೊ ತುಲಾ ರಾವಾ ಹಾ. ಮೀ ಕಸ್ಲಾ ತರಾಸ್ ಸುಸ್ವುನ್ ಗೆತಲ್ಯಾ ತ್ಯಾತ್ಲಿ ಸಗಲ್ಯಾತ್ಲಿ ಪ್ರಭುನಿ ಮನಾ ಸುಡಿವಲ್ಯಾ

12 ಕ್ರಿಸ್ತ್ ಯೇಸುಪ ಫಾಂಗಲಾ ಭಕ್ತಿಚಾ ಜೀವ್ನಾ ಕರತ್ಯಾಲಿ ಸಗ್ಳಿ ಹಿಂಸೆತ್ ಗಾವ್ನಾರ್.

13 ಬುರ್ಸ ಆನಿ ಲಬಾಡ್ ಸಿಕಿವ್ನಾರ ದುಸರ್ಯಾನಾ ಮೋಸ್ ಕರೀತ್ ಆಪ್‌ಲ್ಯಾಲಾಸ್ ಮೋಸ್ ಕರುನ್ ಗಿಹಿತ್ ದಿಸಿ ದಿಸಿ ಖಾಲ್ ಫನಾತ್ ಯತ್ನಾತ್.

14 ತು ತರಿ ಶಿಕುನ್ ಘಟ್ ಇಸ್ವಾಸ್ ಥೆವಲ್ಯಾಲ್ಯಾ ಸಾಂಗನ್ಯಾತ್ ಉಬಾ ರ್ಡ್ಡಾ ಶಿಕುವುನ್ ದಿಲ್ಯಾಲಾ ಕೊನ್ ಮನ್ವುನ್ ಯವಜ್.

15 ನ್ಹಾನ್ವಸುನ್ ತುಲಾ ಪವಿತ್ರ ಪುತಿಕಾಚಿ ವಳಕ್ ಹಾ. ತ್ಯ ತುಲಾ ಗಿನ್ಯಾನ್ ದೇತ. ಆನಿ ಕ್ರಿಸ್ತ್ ಯೇಸುಪ್‌ಲ್ಯಾ ಇಸ್ವಾಸಾಸ್ ಲಾಗುನ್ ತ್ಯ ರ್ಯಾಕ್‌ನ್ಯಾಚಾ ಮಾರ್ಗಾತ್ ಫಾಲಿವ್.

16 ದೆವಾಚ್ ಸಾಂಗ್ನ್ ಜಾಲ್ಯಾಲ ಪರ್ತೆಕ್ ಶಾಸ್ತಾರ್ ಶಿಕ್ವಾಯಾ, ಖಡ್ಯಾವಾಯಾ, ಶಾರ್ಕ ಕರಾಯಾ, ನಿಯೆತಿಚೆ ಶಿಕ್ವೆಲಾ ಉಪೆಗ್ ಜಾಲ್ಯಾ

17 ಮನ್ವುನ್ ದೆವಾಚಾ ಮಾನುಸ್ ಸಗ್ಳೆ ಸಮಾಜಲ್ಯಾಲಾ ವ್ಹಪುನ್ ಸಗಲ್ಯಾ ಫಾಂಗಲ್ಯಾ ಕಾಮಾಲಾ ಶಾರ್ಕಾ ರಾನ್ಹಾರ್.

4

1 ದೇವಾಚಿ ಸಾಕ್ಷಿ ಥಿವುನ್ ಆನಿ ಕ್ರಿಸ್ತೆ ಯೇಸುಲಾ ಮಾಜಿ ಸಾಕ್ಷಿ ಕರುನ್ ತ್ಯೊ ಜೀತಿ ಆಸ್ವಾರ್ಥ್ಯಾನಾ ಆನಿ ಮೆಲ್ಯಾಲ್ಯಾನಾ ನ್ಯಾಯಿ ನಿವಡ್ವಾರ್ ಕಾ ಮಂಜೆ ತ್ಯೊ ದಿಸಾಚ್ ಆನಿ ತ್ಯಚ್ ರಾಜೆ ಭವಳ್ ಹಾ, ಮಿ ತುಲಾ ಶೆಪ್ಪತ್ ದಿವುನ್ ಆಜ್ಞಾ ದೆತೊ.

2 ಬರಿ ಖಬರ್ ಲೊಕಾನಾ ಸಾಂಗ್. ಚಾಂಗಲ್ಯಾ ಯಳಾತ್ಪಿ ಆನಿ ಬುರ್ಶಾ ಯಳಾತ್ಪಿ ಸಿಕ್ವಿತ್ ರ್ವಾ ಲೊಕಾಂಚಾನಿ ಕರಾಯಾ ವ್ಹಯಿ ಜಾಲ್ಯಾಲ ತ್ಯನಾ ಸಾಂಗ್. ತ್ಯಂಚಾನಿ ಭುಕ್ ಕಿಲಿಕಿ ತೀ ತ್ಯನಾ ದಾವುನ್ ದೇ. ತ್ಯನಾ ದಪ್ಕಾವ್, ತ್ಯನಾ ಉಮೇದ್ ದೇ, ಹ್ಯ ಸಗ್ಳೆ ಮಿಬ್ ಥಂಡ್ ಫನಾನಿ ಹುಶಾರಿನಿ ಕರ್.

3 ಲೊಕಾಂಚಾನಿ ಖರ ಸಿಕಿವ್ಣ ಐಕು ನಾಹಿ ಅಸ್ಲ ಕಾಲ್ ಯಯಾಚ್ ಹಾತ್. ಲೊಕ ಆಪ್ಲ್ಯಾಲಾ ಬರಾ ಮಂಥ್ಯಾಲ್ಯಾ ಸಿಕಿವ್ಣಾರ್ಥ್ಯಾನಾ ಆನಿ ಆಪ್ಲ್ಯಾಲಾ ಐಕಾಯಾ ಚಾಂಗ್ಲೆ ಸಿಕಿವ್ಣಾರ್ಥ್ಯಾಲಾ ಬಗ್ವಾರ್.

4 ಲೊಕ ಖರಲ್ಯಾಲಾ ಧ್ಯಾನ್ ದಿಯಾಚೆ ಆಂದಿ ಸ್ವತಾಚಾ ಮನಾತ್ ಘಡಿವಲ್ಯಾಲ್ಯಾ ಕ್ಯಾಯ್ನ್ಯಾಂಚಿವ ಧ್ಯಾನ್ ಥೆವ್ತ್ಯಾತ್.

5 ಫನ್ ಸಗ್ಳೆ ಪರಸ್ಥಿತಿತ್ ತುಜಾ ತಾಬ್ಯಾತ್ ತು ರ್ವಾ ತರಾಸ್ ಆಲಾಕಿ ಸುಸ್ಪುನ್ ಘೇ. ಬರಿ ಖಬರ್ ಪಗಳ್. ತುಜಿ ಪರತೇಕ್ ಕಾಮ ತುಸ್ ದೇವಾಚಾ ಸೇವಕ್ ಮನ್ವುನ್ ಕರ್.

6 ಮಾಜೆ ಗುಶ್ಟಿತ್ ಸಾಂಗಾಚ್ ಜಾಲ್ಯಾವ ಆತಾ ಮಾಜಾ ಮೀಸ್ ಬಲಿ ದಿಯಾಚಾ ಯೊಳ್ ಆಲ್ಯಾ ಆನಿ ಮೀ ಹ್ಯೊ ಜೀವ್ನಾ ಸುಡುನ್ ಜಾಯಾಚಾ ಯೊಳ್ ಆಲ್ಯಾ.

7 ಮಿ ಚಾಂಗ್ಲಿ ಲಡಾಯಿ ಕಿಲಿ. ಮೀ ಮಾಜ ಪಳ್ಳ ಪಳುನ್ ಸುಪಿವ್ಲ್ಯಾ; ಆನಿ ಮಾಜಾ ಇಸ್ವಾಸ್ ಮಿ ದರ್ವ್ವುನ್ ಹಾ.

8 ನೀಯತಿಂಚಾನಾ ಗಾವ್ವಾರ ಭಕ್ಷಿಸಿ ಆತಾ ಮನಾ ರ್ವಾಕ್ತ್ಯಾ ನೀಯತಿಚಾ ನ್ಯಾಯಿ ಕರ್ನಾರಾ ಪ್ರಭು ಮನಾ ತ್ಯ ತ್ಯಾ ದಿಸಾತ್ ದೆನಾರ್. ಮನಾ ತ್ಯವ್ಣ್ ನವ್ವ ತ್ಯಚಾ ದಿಸನ್ಯಾಚಿ ವಾಟ್ ಬಕ್ತ್ಯಾಲ್ಯಾನಾಬಿ ಮಾಯೆನಿ ದೇನಾರ್.

ಸ್ವತಾಚಾ ಬೊಲ್ಯಾ

9 ತುಲಾ ವ್ಹಯಿಲ್ ತ್ಯವ್ಣ ಬಿಗಿನಿ ಮಾಜಿಪ ಯೇ.

10 ದೇಮಾನಿ ಹೇ ದುನೆಚಿ ಖುಬ್ ಮಾಯಾಕಿಲಿ. ಮನ್ವುನ್ ತ್ಯೊ ಮನಾ ಸುಡುನ್ ಥೆಸಲೊನಿಕಾತ್ ಗೆಲಾ. ಕ್ರೆಸ್ತಾ ಗಲಾತ್ಯಾತ್ ಗೆಲಾ. ತೀತ್ಲಿ ದಲ್ಮಾತ್ಯಾತ್ ಗೆಲಾ.

11 ಲುಕ್ ತ್ಯವ್ಣಾಸ್ ಮಾಜಿ ಸಂಗ ಹಾ. ತು ಯತಾನಾ ಮಾರ್ಕಾಲಾಬಿ ತುಜಿ ಸಂಗ ಗಿಹುನ್ ಯೇ. ಕಾ ಮಂಜೆ ತ್ಯೊ ಮಾಜೆ ಸೇವೆಲಾ ಮಜ್ಜತ್ ಕರ್ನಾರ್.

12 ತುಖಿಕಾಲಾ ಮೀ ಪುರಾ ಹುಕುಮ್ ದಿವುನ್ ಎಫೆಸಾತ್ ಲಾವುನ್ ದಿಲ್ಯಾ.

13 ಮೀ ತ್ರೊವಾತ್ ಆಸ್ತಾನಾ ಕರ್ಪಾಪ ಸುಡುನ್ ಆಲ್ಯಾಲಿ ವೈಲಿ ಆಂಗಿ ಆನಿ ಮಾಜಿ ಪುಸ್ತಕ ಭಕ್ಮಡ್ಯಾಚಾ ಇಡ್ಯಾ ಮುದಮ್ ಗಿಹುನ್ ಯೇ.

14 ಪಿತ್ಯಚ್ ಕಾಮ್ ಕರ್ತ್ಯಾಲ್ಯಾ ಅಲೆಗ್ಸಾಂಡೆರಾನಿ ಮನಾ ಖುಬ್ ತರಾಸ್ ಕೇಲಾ. ತ್ಯನಿ ಕೇಲ್ಯಾಲ್ಯಾ ಕಾಮಾಲಾ ಪ್ರಭು ತ್ಯಲಾ ಪ್ರತಿ ಫಳ್ ದೇನಾರ್.

15 ತ್ಯನಿ ತುಲಾಬಿ ತರಾಸ್ ದಿವು ನಾಹಿ ತಸ ಜಾಗ್ರುತಿನಿ ರ್ಲ್ಯಾ ತ್ಯನಿ ಆಮ್ಚಾ ಸಿಕಿವ್‌ನ್ಯಾಲಾ ಖುಬ್ ಅಡ್ಯಾವ್ಣ.

16 ಪೈಲೆಪಾವ್ಟಿ ಮೀ ಮನಾ ವಪ್ಸುನ್ ದಿಲಾ ತವಾ ಮನಾ ಕುನಿ ಮಜ್ಜತ್ ಕೀಲಿ ನಾಹಿ ಸಗ್ಳಿ ಮನಾ ಸುಡುನ್ ಗಿಲಿತ ಮನ್ವುನ್ ತ್ಯಂಚಿ ಕಾಮ ದೇವಾನಿ ಆಪ್ಲ್ಯಾ ಲೆಖ್ಯಾತ್ ದರ್ನ್ವನಾಹಿತ.

17 ಫನ್ ಪ್ರಭುನಿ ಮಾಜಿಪಸ್ ರಾಹುನ್ ಮನಾ ಬಳ್ ದಿಲ. ತಿ ಬರಿ ಖಬರ್ ಯೆಹುದಿ ನಸ್‌ಲ್ಯಾಲ್ಯಾ ಲೊಕಾಂಚಾನಿ ಐಕಾಯಾ ಪ್ರಭುಚ್ ಮನ್ ಹುತ್ತ. ತ್ಯನಿ ಮನಾ ಮರ್ನಾಚಾ ತೊಂಡಾತ್ಲಿ ಭುಕಿವ್ಣ.

18 ಸಗ್ಳ್ಯಾ ಬುರ್ಶಾ ಬೊಲ್ಯಾತ್ಲಿ ಪ್ರಭು ಮನಾ ರ್ಯಾಕ್ಸಾರ್ ಆನಿ ಆಪ್ಲ್ಯಾ ಸ್ವರ್ಗಾಚಾ ರಾಜಾತ್ ಜಪುನ್ ನೆನಾರ್. ತ್ಯಚಿ ಮೈಮಾ ಖಾಯಿಮ್ ರಾಹುನಿ. ತಸಸ್ ವ್ಹವುನಿ.

ಸರ್ತಾ ನಮಸ್ಕಾರ್

19 ಪ್ರಿಸ್ಕಿಲಲಾ, ಅಕ್ವಿಲನಾಲಾ ಆನಿ ಒನೇಸಿಪೊರಾಚಾ ಗರ್ಭಾತಲ್ಯಾನಾ ನಮಸ್ಕಾರ್ ಮನ್ವುನ್ ಸಾಂಗ್.

20 ಎರಸ್ತ ಕೊರಿಂಥ್ಯಾತ್ ಹುತ್ತಾ. ತ್ರೊಫಿಮನ್ ಸೀಕ್ ಹುತ್ತಾ ತವಾ ತ್ಯಲಾ ಮಿಲೇತಾತ್ ಥೆವಾಯಾ ಹ್ವಯಿ ಜಾಲಾ.

21 ಥಂಡಿಚಾ ದೀಸಾಚೆ ಆಂದಿಸ್ ಮಾಜಿಪ ಯಯ್ಯಾಲಾ ತುಜಿಷ್ಟಿ ವ್ಹಯಿಲ್ ತ್ಯವ್ಣಿ ಯತ್ನ ಕರ್.

ಯುಬುಲ್, ಪೊದೇಯ್, ಲೀನ್, ಕ್ಲೌದ್ಸ್ ಹೇ ಆನಿ ದುಸ್ರಬನ್ವಿಬಾಹು ಸಗ್ಳು ತುಲಾ ನಮಸ್ಕಾರ್ ಸಾಂಗ್‌ತ್ಯಾತ.

22 ಪ್ರಭು ತುಜಾ ಆತ್ಮಾ ಸಂಗ ರಾಹುನಿ. ತ್ಯಚಿ ಕ್ರಪಾ ತುಷ್ಟಿ ಸಂಗ ರಾಹುನಿ.

ದೆವಾಚಿ ಖರಿ ಕಬರ್
The New Testament in the Gowli language of India,
Devanagari script. ದೆವಾಚಿ ಖರಿ ಕಬರ್ (Bible)

copyright © 2023 The Word for the World International and Gowly Marathi Translation Samti, Karnataka

Language: (Gowli)

Contributor: The Word for the World International

ದೆವಾಚಿ ಖರಿ ಕಬರ್
ನವಾ ಕರಾರ್, 2023

The New Testament in Gowli Marathi Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

c4461ecc-9ab5-5edc-b62d-034ac186b922